

نه لکى در سعادت ايچون مجديه
يکرمى غروش حسابيله التمش
غروشدر

مشره ايچون بوسته اجرتى اوله رق
اون بش غروش ضم اولنور

نسخه سى ٤٠ پاره در

قانوننامه

آبونه اولق ايستينلر دائره عدليه ده
اداره مخصوصه سنه مراجعت
ايتلدر

اعلانانك بهرندن بر مجديه اخذ
ايديلور

نسخه سى ٤٠ پاره در

هفته ده ايکى دفعه جمعه ايرتسى و چهارشنبه کونلرى نشر اولنور . محتوياتى امور عدليه متعلقدر

توضيحات

کوملجنه سنجاغى بدایت محکمه سى جزا دائره سى
رياستى قلعه سلطانيه سنجاغى بدایت محکمه سى جزا
دائره سى رئيس اسبقى عبده فائق افسدى به تفويض
بيورلمش ومومى اليه اصول مقررده وجهله امر
تحليفي اجرا ايدلمشدر .

تبليغات

جزا قانوننامه هايونك ايکى يوز اوتوزنجى
ماده سى موجبنجه ضابطه جه تحت كفالتہ آلمسنه حکم
اولان اشخاصدن نه يولده ونه مألده كفالت
آلنه جنى وكفالت وبره میان وياخود تعنداً كفيل
ويرمکدن استنکاف ايدنلر حقتده نه معامله اولته جغه
دائر سيواس ولايتى استيناف محکمه سى مدعى عموم
ميلکندن وقوعبولان اشعاره ، اخذ ويان کسيجيك
کي سرقلره متجاسر اولانلرک اوچ ماهدن برسنه به
قدر حبس اولنمى و ضابطه جه كفالت آلته دخى
آلمسى سالف الذکر ماده قانونيه نك حکمى اقتضاسندن
وكفالتك صورت اخذيله معاملات سائرهنك اجراسى
ضابطه به عائد وظائفدن بولنمش اولمغه مأمورين ضد
بطه نك امور مأموره لرينه تعلق ايدن اشبو خصوصه
جهت عدليه جه مداخله به محل اولمدينى جوابى
انجمن عدليه افاده سيله ويرلمشدر .

خزينه جليله نك استحصال مطلوبى ضمننده موقع
اجرايه وضع اولنوب طالى ظهور ايتامسندن ناشى
خزينه نامنه تفويض اولنان املاکدن لازم کلان خرج
ورسوم اخذ واستيفا اولندقدن صکره متباقيسنك دينه
مقابل ايراد قيدى مالىه نظارت جليله سيله بالخباره
قرارلشديرلمش اولديغندن وغير منقولانك دفتر خاقانى
اداره لرندن قيدى صورتى چيقارلدقدن صکره موقع
مزايده به وضعى ده اصول متخذه ايجابندن بولنديغندن
بخشله بعد ازين مطلوبات اميره دن طولاي فروخت

ايديله جك اموال غير منقوله نك مزاد قائمه لرينه دفتر
خاقانى اداره سنججه قيدرلى تحرير و اشارت ايتديريله رك
متصرفلرينك يوقلمه وانتقال خرچلرندن اولان
ذمتلرى مزايده بدلندن بالتفريق طاپو واوست طر-
فك دخى مال صندوق لرينه تسليم ايدلمسى خصوصنك
اصول اتخاذى دفتر خاقانى نظارت جليله سندن باتذکره
بيلديرلمش و صورت اشعار توثيق و اطراد معامله به
مستلزم اوله جنى جهتله انجمن عدليه جه ده موافق
مصاحت کورلمش اولديغندن اولو جهله ايفاي مقتضاسى
ايجاب ايدنلره تعمياً تبليغ ايدلمشدر .

محاکمات

در سعادت استيناف مدعى عموميلکسنه :

ارباب فساددن اولدقلى ادعاسيله متهم
بولنان محمود پاشا زاده لطفاه و صباح الدين بکر
ايله مدحت پاشا زاده حيدر وميرالاي ذکينك
اجرا قتلان محاکمه غيابيه لرى نتيجه سنده مابه-
الاتهاملرى اولان افعاله جراتلرى تين ايليه رك
بناء عليه قانون جزانك الى سكرنجى ماده سنك
فقره اولاسى حكنه توفيقاً مؤبداً قلعه بند
ايدلمرينه و اوتوز برنجى ماده قانونيه منطوقته
حقوق مدنيه دن اسقاط قلملرينه و مقدما اعلان
ايديلان قرار نامه موجبنجه حيزى لازم کلان
ماللرينك اداره سنه محکمه جنائتدن حکم اولنمش
واصول محاکمات جزائيه قانوننك اوچيوز
يتمش يدنجى و اوچيوز يتمش سكرنجى و اوچيوز
سكسان برنجى ماده لريله مواد سائرده سى احكامنه
توفيق معامله اولنمى مرجعنه بيلديرلمش
اولديغندن اعلان كيفيته ابتدار قلندى .

ارباب فساددن اولدينى ادعاسيله متهم بولنان
ايدن ولايتى امور اجنبیه مدير سابقى عبدالحليم
ممدوحك اجرا قتلان محاکمه غيابيه سى نتيجه-
سنده فعل مدعا بهه اجتناسارى ثابت اوله رق
قانون جزانك الى سكرنجى ماده سنك فقرة-
اولاسى حكنه توفيقاً مؤبداً قلعه بند ايدلمسنه
و اوتوز برنجى ماده قانونيه وجهله حقوق
مدنيه دن اسقاط قلملرينه و مقدما اعلان ايديلان
قرار نامه موجبنجه حيز آلته انسان اموال نك
اداره ايتديرلمسنه محکمه جنائتدن حکم اولنمش
واصول محاکمات جزائيه قانوننك اوچيوز يتمش
يدنجى و اوچيوز يتمش سكرنجى و اوچيوز
سكسان برنجى ماده لريله مواد سائرده سى احكامنه
توفيق معامله اولنمى مرجعنه بيلديرلمش بولند-
يغندن مذکور اوچيوز يتمش سكرنجى ماده نك
جمله احكامسندن اولدينى اوزره اعلان كيفيته
ابتدار قلندى .

منايت محکمه سى رياستنده :

ارباب فساددن اولدينى ادعاسيله متهم اولان
مکتب حريه شاهانه طلبه سندن وشيروانى
زاده لرذن فرارى محمود طاهرک محکمه به
کلسيچون تاريخ اعلاندن اعتباراً جانب رياستدن
کندوسته مجدداً اون کون مهل اعطا قلمشدر
مهل معين ظرفنده کلمديکي حالده قانونه اطاعت
ايتماش نظريله باقيه رق حقوق مدنيه دن اسقاط
قلنه جنى و محاکمه غيابيه سى ائشاده اموالى حيز آلته
آلنه جنى و بوضروده برکونه ادعا به حق اوله ميه-

جنی کی معاملہ حجزیہ حقتہ دخی مدعی
عمومیلکہ تبلیغات مقتضیہ اجرا ایدلیدی جہتلہ
اصول محاکمات جزائیہ قانونک اوچوز تیش
برنجی و اوچوز تیش ایکنجی مادہ لری احکامہ
توفیقاً اشرو قرار نامہ بالتنظیم اعلان اولنور.

یتافلق مادہ سندن دولای جنایتلہ اتہام اولنان
اتر یو قورافنک برائتہ دأر بانیہ استیناف محکمہ سی
جزا دائرہ سندن وریلان اعلامک تمیزی حقتہ
محکمہ مذکورہ مدعی عمومیلکندن اسرا قلنان
عرضالک ردینہ محکمہ تمیز استدعا دائرہ سنجہ قرار
ویرلمشدر.

احمدہ قتل قصدیہ سلاح انداخت ایتلرندن دولای
جنایتلہ اتہام اولنان حیدر ورفقاسنک برائتیرنہ دأر
بانیہ استیناف محکمہ سی جزا دائرہ سندن وریلان
اعلامک تمیزی حقتہ محکمہ مذکورہ مدعی عمو-
میلکندن اسرا قلنان عرضالک ردینہ محکمہ تمیز
استدعا دائرہ سنجہ قرار ویرلمشدر.

اسماعیلک تعطیل عضوی منتج صورتدہ جرح
ایتمندن دولای جنایتلہ اتہام اولنان عثمانک اون بش
ماہ حبسنہ دأر انقرہ استیناف محکمہ سی جزا دائرہ-
سندن اعطا قلنان اعلامک تمیزی حقتہ مرقوم
عثمان ایہ محکمہ مذکورہ مدعی عمومیلکندن تنظیم
واسرا قلنان عرضالک ردینہ محکمہ تمیز استدعا
دائرہ سنجہ قرار ویرلمشدر.

جلبلری تقرر ایدن شاہد لک استماع اولنامہ سی
وشہود ددن بعضیلری علیہنہ متهم ویا وکیلی
طرفندن ایدیلان طعن و اعتراض حقتہ مجرمیت
قرار ندہ برشی دیلمامسی تقض حکمی مستلزم
بولند یغنه دأر محکمہ تمیز جزا دائرہ سندن
اعطا قلنان ۲۷ تموز سنہ ۳۱۶ تاریخی اعلامدر:
سیروز سنجانی بدایت محکمہ سی جزا دائرہ سندن
ویریلان ۲ شباط سنہ ۳۱۵ تاریخی ویش یوز طقسان
نومرولی اعلام واوراق مقررہ سی باش مدعی
عمومیلک مأموریت بہہ سندن ۱۴ جزیران سنہ ۳۱۶
تاریخی ویش یوز التمش درت نومرولی تبلیغنامہ
ایہ محکمہ تمیز جزا دائرہ سندن تودیع اولغملہ مطالعہ
قلندی.

اعلام مذکورک خلاصہ مالی نورہ قوبدہ کائن قومسال
محلہ سی اہالیسندن قبطی حسین بن قیرجہ علیک قتل و محمد
علی ایہ احمدک جرح اولنلرندن دولای جنایتلہ اتہام اولنان
اشخاصک اجرا قلنان محاکمہ لری نتیجہ سندن یولنردن
من غیر تعمد قتل مذکورہ جرأتی ثابت اولان محلہ
مذکورہ قبطی سیران بن عثمانک جزا قانوننامہ
ہایونک یوز تیش دردنجی مادہ سندن توفیقاً اون بش
و قتل مذکورہ معاونت ایتدیکی تحقق ایدن مرقومک
برادری عارفک دخی قانوننامہ مذکورک یوز تیش
بشنجی مادہ سندن توفیقاً اوج یحیی سنہ مدتلرہ کورک
قولنلرینہ وعادیا حارج اولدینی تبین ایدن محمد علیک
دخی یوز تیش طقوزنجی مادہ سی منظوقجہ بر سنہ
مدتلہ حبس ایدلسنہ حکم اولدینگی حاویدر.

تبلیغنامہ دہ دخی مدعی شخصی طرفندن اسماعیلی
بیان ایدیلان شہودک جلبلری قرار کیر اولدقندن
سکرہ تکرار عدم استماع لری امر ندہ استاد اولنان
اسباب مخالف اصول اولوب چونکہ شہادت واقعہ نک
درجہ اہمیت واعتبارینک بعد الاستماع تقدیری لازم
کلہ جکنہ وشہوددن بعضیلری علیہنہ کرک متهم وکرک
وکیلی طرفندن ایدیلان طعن و اعتراض حقتہ دخی
مجرمیت قرار نامہ سندن برشی دیلمہ لک مسکوت عنہ
براغملہ سندن مبنی اعلام مذکورک تقضی لزومی طلب
اولمشدر.

حکم جنایتلہ دولای تدقیقات تمیزیہ اجرا
اولدقندہ مندرجات اعلامہ نظراً تبلیغنامہ دہ محرر
اعتراضک بحا اولدینی و تقضی موجب اسبابدن یولندینی
اکلاشلہ سندن بناء اصول محاکمات جزائیہ قانونک
اوچوز اون دردنجی مادہ سندن توفیقاً اعلام مذکورک
نقضنہ واوراق مذکورہ نک محلہ اعادہ سندن وایکی یوز
غروش تمیز اعلامی خرچنک تحصیلنہ ۲۷ تموز سنہ
۳۱۶ تاریخندہ قرار ویرلدی.

پرشتہ قصبہ سنک حسن بک محلہ سندن جولاق
فیضراہ ایہ یونس افندی محلہ سندن یاقوہلی صالحک
کیفیت قتلرندن دولای جنایتلہ متهم اولان ابوالی
قریہ سی اہالیسندن آدم بن یشارک اون بش سنہ
مدتلہ کورک قولنلہ دأر مذکور پرشتہ بدایت محکمہ سی
جزا دائرہ سندن اوچنجی دفعہ اولہرق ویریلان الی
نومرولی اعلام محکمہ تمیز جزا دائرہ سنجہ تصدیق
اولمشدر.

قوزانہ قضاسنک اقصادی قریہ سندن عارف و اوغلی
مصطفانک کیفیت قتلرندن دولای جنایتلہ اتہام اولنان
قریہ مذکورہلی یشار و عثمان بنان راہدک اون بشر
سنہ مدتلرہ کورک قولنلرینہ دأر سرفیجہ سنجانی

بدایت محکمہ سی جزا دائرہ سندن اعطا قلنان ۱۹
نومرولی اعلام محکمہ تمیز جزا دائرہ سنجہ تصدیق
اولمشدر.

ازمید سنجانک شفقتیہ قریہ سی اہالیسندن
نعلبد اوغلی منلا حسنک قتل قصدیہ کیفیت جرحندن
دولای جنایتلہ متهم اولان قریہ مذکورہلی رنجبر
محمد بن حاجی حسنک اوج سنہ مدتلہ کورک قولنلہ
دأر لواء مذکور بدایت محکمہ سی جزا دائرہ سندن
اعطا قلنان ایکی یوز ایکی نومرولی اعلام محکمہ تمیز
جزا دائرہ سنجہ تصدیق ایدلمشدر.

استانوس ناحیہ سی اہالیسندن باقی اوغلی مصطفاد
نک کیفیت قتلندن دولای جنایتلہ اتہام اولنان
قائم مقام علی بک اوغلی زبیک قتیچنک اون بش سنہ
مدتلہ کورک قولنلہ دأر نکہ سنجانی بدایت محکمہ
سی جزا دائرہ سندن اوچنجی دفعہ اولہرق ویریلان
الی آتی نومرولی اعلام محکمہ تمیز جزا دائرہ-
سنجہ تصدیق اولمشدر.

قاہو قریہلی قرہ ابوبک بر جفت قوشو حیوانی
معاملہ جبر و شدت اجراسیلہ سرفت ایتمندن
دولای جنایتلہ متهم اولان ذلیہ قصبہ سنک شیخ
محلہ سی اہالیسندن کور احمد بن ابراہیم بکک بش
سنہ مدتلہ کورک قولنلہ دأر سیواس ولایتی استیناف
محکمہ سی جزا دائرہ سندن ویریلان بش نومرولی
اعلام محکمہ تمیز جزا دائرہ سنجہ تصدیق ایدلمشدر.

داود پاشا محلہ سندن ندیمہ خانمک معاملہ جبر
و شدت اجراسیلہ برہ باتیرو سرفت قصدیہ اوژرنی
آراشد پردینی حالہ بد اختیار ندہ اولیان اسباب مانہ
حیولتہ برشی آلہ مدینی ادعاسیلہ متهم بولنان احمد
حقتہ اجرا قلنان محاکمہ نتیجہ سندن مرقومک فعل
مذکورہ جرأتی اخبارات وکندیسنک صورت افادہ سی
وراپورلر مندرجاتی ایہ ثابت اولدینندن مجرمیتہ
وقانون جزانک ایکی یوز او توننجی مادہ سی علاوہ سنک
برنجی فقرہ سی موجبہ ایکی یوز یکریمی برنجی
مادہ سندن توفیقاً بش سنہ مدتلہ کورک قولنلہ محکمہ
جنایتجہ قرار ویرلمشدر.

ہکبلی اطہدہ راشد و اشجی حسین اغاری قتل
قصدیہ وروولور قورشونیلہ جرح ایدلیدی ادعاسیلہ
متهم بولنان محمد مسرور حقتہ اجرا قلنان محاکمہ
نتیجہ سندن مرقومک فعل مذکورہ مجامعرتی اخبارات

ومعاینہ راپوری وکندیسنک روش افادتیلہ ثابت
اولدینندن مجرمیتہ وقانون جزانک یوز سکسانجی
مادہ سندن توفیقاً درت سنہ مدتلہ کورک قولنلہ محکمہ
جنایتجہ قرار ویرلمشدر.

غلطہ دہ بکزادہ زقاغندہ ساکنہ قاتنہ نک میخانہ جی
یانی ضرب و مرقومک دہ قاتنہ نک اموال مقولہ سندن
ایراث خسار ایدلکری ثابت اولدینندن قاتنہ نک بر
ہفتہ حبسنہ و یانیدن دخی اون بش بشلک جزای
نقدی آلمسنہ

نشان طاشی آرابہ جیلرندن حسین ایہ حسینی
ضرب و اجرای وظیفہ حالندہ پولیس مأموری علی
افندی جرح ایدن آلتانیا دولتی تبعہ سندن موسیو
قاشک بر سنہ یکریمی کون حبسنہ

توتونجی سروبہ اطالہ لسان ایدن خاصکوبلی بقال
یاسفدن بر لیرا جزای نقدی آلمسنہ

زندان قیوسندہ ساکن محمدی ضرب ایدن
طوبخانہ دہ قرہ باش محلہ سندن ساکن حسن بن اسماعیلدن
بر یحیی لیرا آلہرق مضروبہ اعطاسنہ

سینم قریہ سندن ساکنہ واسیلیکینک، استالیونی
جرح ایدلیدی ثابت اولدینندن بر لیرا آلہرق مجروحہ
ویرلمسنہ

قہوہ جی خرملوبلی ضرب ایدلیدی تحقق ایدن
پورتقالی صالحک برہفتہ حبسنہ

غلطہ میخانہ لندہ چراقاق ایدن واسیلیک قرہ
اوغلان زقاغندہ قہوہ جی ہاشیمی ضرب ایدلیدی ثابت
اولدینندن اون کون حبسنہ

غلطہ دہ قصبی زقاغندہ ساکنہ مارینک اموال
منقولہ سندن ایراث خسار ایدلیدی ثابت اولان صوادن اون
بش بشلک جزای نقدی آلمسنہ

پولیس اسماعیل افندی نک البہ سنی سرفت ایدلیدی
اصولاً ثابت اولان قطار جباردہ ساکن قایقچی
حقینک اوج ماہ حبسنہ و ختام مدندہ ضبطہ جہ
کفالتہ ربطہ

اسکاداردہ ساکن مناو ثیب وغزتہ موزعی بکرک
موزع حسینی ضرب و جرح ایدلکری اصولاً ثابت
اولدینندن برہفتہ حبسلرینہ

اناطولی حصار ندہ مقیم خدمتجی بارطینی ابراہیم
بن علیک مصطفی دای ایہ زوجہ سی امینہ و کریمہ سی
نوبری ضرب و جرح ایدلیدی تحقق ایدلکندن بر
آی حبسنہ

ملازم سلیم افندی نک بلدیہ باش چاوشی جمال
افندی ضرب ایدلیدی تبین ایدلکندن ایکی مجیدی
آلتونی آلہرق مضروب محمد جمال افندی و ویرلمسنہ
قاضی قریہ سندن ساکن ایرانی علیک طروسی

ضرب ایدلیدی ثابت اولدینندن برہفتہ حبسنہ
اسکدار اسکاسی مرکز ندہ مستخدم پولیس الیاس
افندی نک حال کرد محمدی ضرب ایدلیدی تحقق
ایتدینندن برہفتہ حبسنہ

اسکداردہ قوش اوغلی یقوشندہ ساکن حال
قریملی حسینی ضرب ایدن کوفہ جی حسینک برہفتہ
حبسنہ

قاضی قریہ سندن پروکار چراغی یورکینک علی بی
ضرب ایدلیدی ثابت اولغملہ برہفتہ حبسنہ

نسیم ولد قیورطونک آرسلان بن فیض الہی
ضرب ایدلیدی تحقق ایدلکندن اون کون حبسنہ
درت کیلو توتون قاجیردینی اصولاً ثابت اولان
ابراہیم اغدن رژی نظامہ سی موجبہ یوز التمش
غروش جزای نقدی آلمسنہ

خلاف تیبہ اولہرق لیلا دکر دہ صندال ایہ
کزدکری اصولاً ثابت اولان عزیز و سروبہ و طور-
سون و حلیمیدن بشر بشلک جزای نقدی آلمسنہ
اسماعیلک اشپاسی سرفت ایدن آشجی ذوالکفل
نام دیگر احمدک اوج آی حبسنہ

یکدیگری ضرب ایدلکری اصولاً ثابت اولان
آرام ولٹونک حبسلرینہ

لغہ دہ آلاچہ مسجد یقوشندہ بقاللق ایدن ایچہ
صولی میخال ولد دیمتری ضرب ایدن محمد افندی
برہفتہ حبسنہ

پولیس حاجی حسن افندی بی تحقیر ایدن پولیس
مأموری اسماعیل افندی نک برہفتہ حبسنہ
اشکبہ جی دیمتری ضرب ایدن ایکنجی دائرہ
بلدیہ تحصیلداری محمد افندی بزم آلتون جزای
نقدی آلمسنہ

ضبطہ نظارتی مکتوبی قلمی او طہ جیبسی اکیلی
عثمان اغای ضرب ایدن ہیئت تفتیشیہ دہ مستخدم
قومیسر ثانی سیویل مصطفی افندی نک برہفتہ حبسنہ

یکدیگری ضرب ایدلکری اصولاً ثابت اولان
احمدک برہفتہ رمضان و محمدک اون بشر کون حبسلرینہ
احمدہ اطالہ لسان ایدلکری ثابت اولان او طہ
باشی وارطان و رفیق تیموردن یازمشر آلتون جزای
نقدی آلمسنہ

قوجہ مصطفی پاشادہ اوکمزجہ جامع شریفی
زقاغندہ ساکنہ زہرا و کریمہ صیقہ خانملہ اطالہ
لسان ایدن امینہ خانندن بر آلتون جزای نقدی اخذینہ
پولیس مأموری نوری افندی بی جرح ایدن
قایقچی امین بن احمددن بر آلتون آلہرق مجروح
نوری افندی بہ اعطاسنہ

نفر احمدی ضرب ایدلیدی اصولاً ثابت اولان
خاصکوی قہوہ جیلرندن لباغیای ولد نسیمک برہفتہ
حبسنہ

جہانگیرلی ماریغو ولد فوطی بی ضرب ایتلرندن
دولای مظنون علیہ اولان بقال یوالمک یکریمی کون
وزوجہ سی صوفیہ بنت بدوسک برہفتہ حبسلرینہ
وایلیا ولد یواندن بر آلتون آلہرق مضروبہ بہ اعطاسنہ
و یولنردن صوفیہ طاش آتدینی اصولاً ثابت اولان
مضروبہ ماریغونک قیزی لولو ویردن بر آلتون آلہرق
صوفیہ بہ اعطاسنہ

خاصکوبلی آغونی بنت سبوحک پولیس قومیسر-
لرندن شا کر افندی بہ اجرای وظیفہ حالندہ حقارت
ایتدیدی ثابت اولدینندن برہفتہ حبسنہ

پولیس مأموری رمضان افندی بہ اجرای وظیفہ
حالندہ حقارت ایدن بک اوغلندہ چیچکچی زقاغندہ
ساکنہ پروزدن بر یوزلک آلتونی جزای نقدی
آلمسنہ

بالقی کر قور ولد علیکسانک خاصکوبلی سبطانی
ضرب و جرح ایدلیدی تحقق ایدلکندن برہفتہ
حبسنہ

اوقلی خدیجہ خانمک خانہ سندن ایراث خسار
ایتمندن دولای مظنون علیہ اولان محمد افندی
فعل مذکورہ جرأتی اصولاً ثابت اولدینندن اون
بشلک جزای نقدی اخذیلہ الی غروش خسار بدلتک
کندیسندن تحصیلنہ

طوبقو موقی قول مأموری پولیس ابراہیم
ادہم افندی بہ اجرای مأموریت حالندہ اطالہ لسان
ایدن بوسنلی قہوہ جی اسماعیلدن بر آلتون جزای
نقدی آلمسنہ

دو کجہ جباردہ دکرمانجی آغونی ضرب ایدن
سوستہ جی دیرالمک برہفتہ حبسنہ

باش چاوش حسین اغایہ اطالہ لسان ایدن ترسانہ
عملہ سندن سیواسلی قیورک یکریمی درت ساعت حبسنہ
نام آخرہ مرور تذکرہ سی استعمال ایدلیدی
اصولاً ثابت اولان قونیہلی مصطفی بن محمددن
مرور نظامہ سی احکامہ توفیقاً یکریمی بش غروش
جزای نقدی آلمسنہ

سرفت مادہ سندن دولای مظنون علیہ اولان
قاسم پاشادہ مقیم چورکجی محمدک اوج ماہ حبسنہ
و ختام مدندہ ضبطہ جہ کفالتہ ربط ایدلسنہ

محل حریقندن اشیا سرفت ایدلیدی ثابت اولان
قاسم پاشادہ لونجہ زقاغندہ بارکیرجیک ایدن محمد بن
حسنک آتی آی حبسنہ و ختام مدندہ ضبطہ جہ کفالتہ
ربطنہ درسعدت . بک اوغلی واسکدار بدایت محاکمی
جزا دائرہ لرنجہ حکم اولمشدر.

مُحَامَلَاتُ اِنْتِبَاهِيَّة

آئنه قضاسی نائی و بدایت محکمه سی رئیس علی رضا افندی ایله محکمه مذکوره اعضاسنک مواد معینه و طیفه مأموریتلری سوء استعمال ایملکری طرزون ولایتی استیناف محکمه سی مدعی عمومیلکنجه اجرا قلنان تحقیقاتی حاوی اوراق مندرجاتندن اکلشلمش اولمغه محکمه مذکوره برنجی کاتبی حسن افندی حقدوده تعقیبات قانونیه ایضا اولمق اوزره رئیس واعضای محکمه نك محاکمه آئنه آلملرینه مآذونیت و یریلهرک محله تبلیغات لازمه اجرا قلنمش و رئیس مومی الیهک کیفیت محاکمه سیله و طیفه شرعیه سنه متعلق خصوصیاتدن طولانی اقتضا ایدن معاملهنک ایفای لزو می دخی مقام سامی جناب مشیختناهییه تبلیغ و اشعار ایدلمشدر.

اِخْلَاقَات

در سعادت استیناف مدعی عمومیلکنده :

قره مرسل قضاسنه تابع تیه قریه سنک طاع دکرمانی باصهرق چوبان پنا یوطک اسلحه سی اخذ و کندوسنه اشکنجه ایتلرندن دولای مظلونلردن اولوب آلان وادی فرارده بولنان کورله قریه سنک دلی سفرك اصول محاکمات جزایه قانوننک ماده مخصوصه سنه توفیقاً اذمید بدایت محکمه سی جزا دأره - سنده محاکمه لری اجرا قلنمق اوزره قانون جزانک اتمش ایکنجی ماده سنک علاوه سیله ایکی یوز اون سکنرنجی ماده سی موجبجه جنایتله اتهامه قرار و یرلیدنکدن متهم مرقومک هر زرده کوریلور ایسه طوتیلوب محکمه مذکوره توقیفخانه سنه تسلیمی لازم کله چکی بالجه ضابطه عدلیه مأمورلرینک معلومی اولمق اوزره اشبواخذ و گرفت مذکوره سی در سعادت هیئت اتهامیه سنندن بالتنظیم اعطا قلندی.

شیخلی قریه لی سیوری اوغلی مصطفائی قتل قصدیه و چفته تفنک صاحبه سیله جرح ایلدیکی ادعاسیله مظلون علیه اولان دولای اوبه قریه لی اوزون بویلی اسمر بکزی مدور آلینی الا کوزلی سیاه چاتیق قاشلی بیوک آغز و برونی قرال ببقلی مطروش اوتوز سکنر یاشلرند و لی جاوش بن حسنک علی الاصول اجرا قلنان محاکمه غایبیه سی نتیجه سنده قانون جزانک یوز سکسانجی ماده سنه توفیقاً اوچ سنه مدته کورکه

قولسنه و اوتوز برنجی ماده قانونیه منطوقنجه حقوق مدنیهدن اسقاط ایدلمسه و ذاناً مالک جزئی ضمننده قرار نامه تبلیغ ایدلمش اولدیغندن اصول محاکمات جزایه نك اوچوز یتش یدنجی ماده سی حکمنجه اداره ایتدیرلمسه محکمه جنایتندن حکم اولنش و ماده مذکوره ایله ذکر اولنان اصول محاکمات جزایه قانوننک اوچوز یتش سکنرنجی و اوچوز سکسان برنجی ماده لری و مواد سائرده سی احکامنه توفیق معامله ایدلمی مرجعه بیلدیرلمش اولمغه اعلان کیفیته ابتدار قلندی.

ازمید بدایت محکمه سی جزا دأره سنده :

آطه بازاری قضاسی داخلنده ارلر قریه سنندن صوغانجی اوغلی مصطفی بکک خاھسنی باصهرق آخه و ساعتی اخذ و غصب و اوغلی شوکتی ضرب ایله مرقوم شوکتک زوجه سی حبله خانمی جبراً طاعه قالدیردینی ادعا قلنمسنندن طولانی مظلون علیه اولان حنک ناحیه سنک صغوق صو قریه سنندن شاهین بک و اوغلی نوری و شا کر بکلرله پشما و محمد و اسماعیلک رفیقاری اولوب حقلرند در سعادت هیئت اتهامیه - سنندن اخذ و گرفت مذکوره سی و یرلمش اولان و اوراق تحقیقیه ده اشکالری غیر مضبوط بولنان و تاریخ وقعه دنبرو وادی فرارده اولوب آلان اله کچیر یله مامش اولان مذکور صغوق صو قریه سنندن آشو تمشوق و مصطفانک اصول محاکمات جزایه قانوننک اوچوز یتش برنجی ماده سی موجبجه قانونه اطاعته محکمه یه کلری ایچون طرف ریاستدن مجدداً اون کون مهل و یرلمش اولدیغندن مدت مذکوره ظرفنده اسبات وجود ایتدکلری حالده محاکمه لری غیاباً بالاجرا حقوق مدنیهدن اسقاط و ماللری حجز ایدیله چکی و بو باده مرقومانک برکونه دعوی اقامه سنه حقلری اوله میه جنی کی مرقومانک بولندیینی محلی بیلنلر خبر و یرمکه و بالجه ضابطه عدلیه مأمورلرینک مرقومانی در دست ایتکه مجبور بولندکلری اعلان اولنور.

ایکنجی محکمه نجرانده :

مارپوشجیلرده چورابجی خاننده ۶ نومرولی اوطه ده مانیفاطوره جی دیمتری اپساراسک ۱۸ شباط ۳۱۷ تاریخندن اعتباراً افلاسنه و معاملات افلاسیه نك ایفاسی ضمننده اعضا ملازمی عزتلو یانقو افندی نك ژور قومیسر و دعوی وکیللرندن آرین قیصریان افندی نك موقت سنیدک تعینلرینه و مفلسک تجارتکا - هنک تمهیر یله کندی و فاملیاسنه الزم قسمنک تفریقندن صکره متباقی اشای بیتیه سنک ثبت دفتر ایدیلهرک

محافظه سنه واشبو قرارک موقتاً اجراسنه در سعادت ایکنجی تجارت محکمه سنندن قرار و یرلیدیکی جهته قانوننامه تجارتک ۱۷۰ نجی ماده سی موجبجه مفلس مرقوم ذمتنده آله جنی اولانلرک موقت سنیدکلرک اصالته تحویل و یاخود یکیدن سنیدک انتخاب و تعینی حقدوده مومی الیه ژور قومیسر افندی ایله استشاره اولمق اوزره کله چک مارتک ۵ نجی صالی کونی ایکنجی تجارت محکمه سنک افلاس اوطه سنه کلری اعلان اولنور.

اعلامات شرعیه اجرا دأره سنده :

سماحتلو حاجی محمد نوری افندی حضرتلرینک تبعه دولت علیه نك ارمنی قتلکی ملتندن متوفی داوید اوغلی آپک ذمتنده قسمت عسکریه محکمه سنندن و یریلان مقتضا اعلامی موجبجه آلاجنی اولان مبالغ معلومه نك تأمین استیفاسی ضمننده مروهون و فروختی محکوم بولنان بک قریه سننده بک جاده سننده واقع یوز قرق سکنر و یوز الی نومرولر ایله مرقم مع اوطه برباب دکان درونسنده موجود توتوننجی کدکی تعبیر اولنور ملک آلات لازمه معلومه بوندن اقدام لدی - المزایده لیرای عثمانی یوز غروشدن یدی بیک ایکیوز غروش بدل ایله طالی اوزرنده تقرر ایتش اولدیغندن یوزده بش ضمیله بوندن دها زیاده یه طالب اولانلرک اشبو تاریخ اعلانندن اعتباراً اوتوز برکون ظرفنده اعلامات شرعیه اجرا دأره سنه مراجعت ایللری اعلان اولنور.

سماحتلو حاجی محمد نوری افندی حضرتلرینک عزتلو محمد صفی الدین بک ذمتنده قسمت عسکریه محکمه سنندن اعطا قلنان برقطعه مقتضا اعلامی موجبجه آلاجنی اولان مبالغ معلومه نك تأمین استیفاسی ضمننده مروهون و فروختی محکوم بولنان استانبولده چقور چشمه قربنده بابان اغا محله سننده چقور چشمه جاده سننده واقع یکریمی آلتی نومرو ایله مرقم مقدما برباب وقف مناو والیوم بقال دکانی دروننده موجود مناو کدکنک بتونی بوندن اقدام لدی المزایده لیرای عثمانی یوز غروشدن یدی بیک اوچوز غروش بدل ایله طالی اوزرنده تقرر ایتش اولدیغندن یوزده بش ضمیله بوندن دها زیاده یه طالب اولانلرک اشبو تاریخ اعلانندن اعتباراً اوتوز برکون ظرفنده اعلامات شرعیه اجرا دأره سنه مراجعت ایللری اعلان اولنور.